




Dass Wil kein Saal hätt, isch bekannt,
do mömmer üs dri schicke;
die Dumme sind, es isch e Schand,
schlussendli d'Katholike.

Denn i's Pfarreiheim jede rennt
sogar mit Modeschaue,
jetzt tönds no mit em Parlament
de fiirlich Saal versaue.

Was uselönd isch läär und hohl
wie mängmol d'Opferbüchs,
politisch Faul und Eigegohl
und – sowieso für d'Füchs.

De Vifi, d'Prowil und d'SP
de LdU – hends schwär,
sie striitet mit de CVP
dem stolze Wilerbär.

Dä Wappeschiibebär läbt g'föhrli,
us Glas git's mängmol Scherbe,
us Chrüseli vielfach g'spaltni Hörli
zum Schluss chasch s'Fell no gerbe.



Was cha passiere, waseliwas
wenn ein, e sonen Schlaue,
mit Föör tuet heize, näbed em Gas
und d'Leitige wött uftaue?

So explodiert denn s'Liecht signal,
de ganz Vercher isch tot:
bim Rudenzburg wird's langsam schmal
so ohni Grüe-Gel-Rot.

Doch öppis Positivs git's au –
wie sind mer alli grüehrt –
e Leitig vom Lokal Te-Vau
genau dött duröfuehrt

stont here, quasi wie als Chund
und mues am Schalter Marke chaufe
s'git mängi Überstund.

Die Marke tusched's wieder ii,
sie törfed's umegeh,
au d'Frau vom Abwart chunnt verbii
grad drümol chasch sie gseh.

Das Dubelispiel isch zwor en Hit
doch – d'Regle, die muesch zerscht begriife,
drumt macht de Bölleli selber mit
als Poschtverwalter Leerlauf-Pfiife.

Das wär für das Johr d'Bulle gsi
doch, dass en keine schlecht söll denke,
gend mer zom Schluss no Gschenkli dri,
grad wie mer susch tönd Orde schenke.

Als Sparringpartner för de Hans
en Schnörri oder e Schnattergans;

a jedi Parkuhr neu Deggel,
wo vorne druf stoht Lumpe-Sammler;

för d'Manne mit em Salz und Chies
füfzg Tonne Schnee, als Wanderpriis;

de Lüt im Rothus Liegestüeli
denäbed s'Bierli a de Chüeli;

Em Ki, statt anere Striptease-Chatz
för em sin Lätsch ein Geiferlatz;

Vierzg Schwimmgürt hemmer scho parad
för's Parlament, is Hallebad;

Am Wiler Fernseh, wo so glitte,
die ewig Rueh, för alli Zite;

Em Alex, s'reut üs fascht zom geh,
es Häfeli, gfüllt mit Vitamin B.
Das brucht er au, die Händlerseel,
wenn er Kontakt suecht mit Kamel;
die hebet schnell de Arsch uf Ziite
und lönd nöd jede Tubel riite.

Em Architekt vom Veloständer
en Dischtlechranz a's Stägegländer
dezu en Spruch drähere gsteckt
ein Hoch dem Superarsch-itekt.

En Holzschue gemmer de Prowil
schön i de Form, doch kei Profil;

En chliine Satz, bescheide, giitig
als Füller i de Pfänni-Ziitig;

Für die im wiise Kittel z'Wil
Es Diagnose-Würfelspiel.